

Vnd ist also dieser Punct (was nemlich die Wirdigen oder Unwirdigen/Gleubige oder Ungleubige im Nachtmal empfangen (fürnemlich wider die Zwinglianer in diese Formulam Concordiæ gesetzt worden.

Darauff folget denn ferners recht vnd wol in viel gedachter Concordi / das gesagt wird: Aber solche (nemlich die Unwirdigen) entpfahens zum Gericht / wie S. Paulus spricht. Denn sie mißbrauchen des heiligen Sacraments / weil sie es ohn ware Buß vnd ohn Glauben entpfahen.

Nota.

Hie sihe / Christlicher Leser / welche Personen in dieser Concordi Formul Unwirdige genennet werden / nemlich / die das heilige Sacrament ohn ware Buß vnd ohn Glauben entpfahen.

Hierauff folget wol vnd recht in der Formul / worzu das heilige Sacrament geordnet sey: Vnd dasselbige mit diesen Worten: Denn es ist darumb auffgesetzt / das es zeuge / das denen die Gnad vnd Wolthat **CHRIST** allda zugeeignet werde / vnd das die Christo eingelei-